



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1740. usque ad annum 1742

Fleury, Claude

Augustæ Vindelicorum, 1787

VD18 90119649

§. 64. Toletani Archiepiscopatus oppositio contra impositas pecuniarum
exactiones.

[urn:nbn:de:hbz:466:1-67882](https://nbn-resolving.org/urn:nbn:de:hbz:466:1-67882)

§. LXIV.

Sæc. XVIII.

A. C. 1742.

*Toletani Archiepiscopatus oppositio
contra impositas pecuniarum
exactiones.*

Mortuo Carolo VI. etiam Hispani Aquilæ Austriacæ plerumque sese exornare gestiebant: quippe Philippus V. Rex omnes hæreditarias Austriacæ Provincias, præsertim vero Italicas *jure regressus* obtendebat, eoquod linea recta ex Carolo V. descenderet, eique in regno successisset: testamenti autem tabulis cautum fuisset, ut deficiente Germanica stirpe masculina, subintraret Hispana. Jus sibi quoque competere putabat in Hungariam & Bohemiam, eoquod ex Anna Maximiliani II. filia Philippo II. desponsa originem traheret: hæc vero successionem sibi reservasset in eventum, quo masculina stirps exaresceret. His suffultus Rex per Portocarrum Comitem de Montichio Legatum suum Francofordiæ votum Bohemicum prætendit, suamque juris deductionem Electoribus obtulit: cum vero rationibus suis nihil proficeret, armis rem decernere, ac præprimis in Mediolanensem Ducatum irrumpere statuit. Trajiciuntur igitur Ductore Montemario Hispanorum copiæ Neapolitanis suppetiis

Sæc. XVIII.
A. C. 1742.

tiis austæ in Italiam, improspero tamen expeditionis auspicio; quippe morbis & Hispana morositate exercitus adeo attritus fuerat, ut Orbitelli, aliisque Pontificæ ditionis terris longo admodum tempore otiosus consisteret. Hæc ipsa vero mora, ac inde secutæ subditorum oppressiones summo Pontifici permolestæ erant; quamvis enim transitus copiam fecisset, ultroneæ tamen humanitatis officium ingenti subditorum damno compensari, ægerrime ferebat. Accessit insuper ad paterni mæroris cumulum, quod decem Austriacorum & Croatarum millia præter Sabaudicas copias Hispanos insequendi studio Bononiensi Provinciæ imminere nuntiaretur. Enimvero Comes de Traun Mediolanensis præsidii Præfectus missis literis Senatui Bononiensi fidem fecerat, ei ab Austriacis nil mali pertimescendum fore, dummodo ipse identidem certior fieret, quo loco & quot horrea Hispani pro suo exercitu in Bononiensi Diœcesi collocassent. Ad hæc Senatus respondere cunctabatur, Pontifex vero Comiti reposuit, Austriacis liberum quoque esse transitum, se enim communem omnium Patrem, nulliusque parti addictum fore, proin hospites pari humanitatis officio esse habendos, sicut ergo indecens foret, Austriacorum horrea Hi-

Hispanis prodere, ita vicissim &c. In Sæc. XVIII.
 terim vero Madriti omnia bellico appa- A. C. 1742.
 ratu strepebant, cumque exhausto ferme
 ærario regio ad ferendas belli expensas
 nervus deficeret, Rex summo Pontifici
 supplicabat, ut decimas ex omnibus
 Hispani Cleri proventibus exigere va-
 leret. Annuente Pontifice Rex pro-
 mulgato edicto, conscriptisque Eccle-
 siasticis bonis octavum nummum quan-
 tocius persolvi jussit: nec multum ob-
 strepebant Præsulum ac Religiosorum
 potissimi; Toletanæ vero Cathedralis
 Ecclesiæ Capitulum acriter sese immo-
 dicæ huic exactioni opponebat, suasque
 rationes, ut universo regno patesce-
 rent, palam exponebat. Ea de causa
 scriptum, acerbior tamen, quam par-
 erat, calamo in vulgus sparsit, in quo
 propugnavit, quod bona, quæ ad Pa-
 pam nullo modo pertinerent, exactione
 insolita novaque gravare, atque hoc in
 casu ejusmodi decimas exigendi copiam
 facere, Pontificiæ potestatis limites ex-
 cederet, timendumque esset, ne Hispa-
 niæ Regina, quæ Filios suos Ecclesia-
 sticorum proventibus impinguare, tam
 solerter quæreret, totum Ecclesiasticum
 ordinem, ipsumque regnum tot tributis
 exhaustura sit, ut ægre intra unius sæ-
 culi spatium pristinas vires recuperare
 valeret. Vix hoc scriptum publici ju-
 ris

Sæc. XVIII. A. C. 1742. ris factum fuerat. cum illico omnia ejus
 exemplaria supprimerentur, & eorum
 venditione ac lectione severe inhibita
 publico infamique rogo addicerentur.
 Nec mitius actum cum Canonicis Ca-
 thedralibus, qui præfato scripto sua no-
 mina apposuerant; hi enim exilio mul-
 ctati fuere, ac insuper duæ Dimacho-
 rum legiones in Capituli terras immis-
 sæ, ut renitentes Canonicos ad obse-
 quium redigerent. Ut ergo Clerus sese
 ab infestis hisce incubatoribus libera-
 ret, mox petitæ exactioni satisfecit, sic-
 que intra breve temporis intervallum
 ex Ecclesiasticis bonis duodecim Hispa-
 norum Thalerorum milliones ad Re-
 gium ærarium confluxere.

§. LXV.

*Principes atque Illustres hoc anno de-
 nati.*

Obiere hoc quoque anno ex Principi-
 bus aliisque Viris dignitate conspi-
 cuis nonnulli, & quidem inter ceteros
 morti in prædam cessit Carolus Philip-
 pus Rheni Comes Palatinus Elector, qui
 Neoburgi ad Danubium Patre Philippo
 Wilhelmo Electore anno 1661 die quar-
 ta Novembris primam lucem aspexit.
 Erat pluribus annis in Tyroli Guberna-
 tor, ubi hodieum ejus prudentia, be-
 nigni-